



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ephesini Concilii Generalis Pars I. Et II. Sub Cælestino papa I. anno
CCCCXXI.

Parisiis, 1644

Exemplar suggestionum episcoporum Cypri in Concilio Ephesino.

urn:nbn:de:hbz:466:1-15062

ACTIO SEPTIMA.

Exemplar suggestionum episcoporum Cypri in Concilio Ephesino.

POST consulatum dominorum nostrorum Flauii Theodosii decimum tertium, & Flauii Valentiniani tertium, semper Augustorum, pridie Kalendas Septembris, Synodo gratia Dei, & edicto pientissimorum Christianique amatorum regum nostrorum, in Ephesiorum metropoli, in sancta ecclesia quæ dicitur Maria, congregata, Rheginus episcopus sanctæ ecclesiæ apud Constantiam Cypri dixit: Quoniam turbant quidam sanctissimas ecclesias nostras, oro, vt libellus, quem in manibus gero, suscipiatur, & legatur.

Sancta Synodus dixit: Libellus oblatus recipiatur, & legatur.

Sanctissimæ, gloriosæ & magnæ Synodo, gratia Dei & nutu pientissimorum nostrorum regum in Ephesiorum metropoli Dei obseruantissima congregatæ, petitio a Rhegino, & Zenone, & Euagrio Cypri episcopis. Olim etiam sanctus pater noster & episcopus factus Troilus ab Antiocheno clero multa passus est, & pientissimus episcopus Theodorus vim non vulgarem pertulit, atque ad eo vsque ad plagas, quas nec flagriones homines ferre deceat, illicite, absurde & illegitime. Nam cum propter aliam causam abiisset, illius vero felicem accepit finem, abusi abitione, vi cogere voluerunt, & subiicere sibi sanctos episcopos insulæ contra apostolicos Canones, & definitiones sanctissimæ Nicænæ Synodi. Et nunc quia cognouerunt quod beatus ex hac vita migravit, subornarunt magnificentissimum ducem Dionysium scribere mandata prouinciæ principi, & sanctissimæ Constantiensis ecclesiæ clero. Literæ publicæ sunt; quas & ad manum habemus, & parati sumus eas vestræ sanctitati ostendere. Huius gratia rogamus & petimus, ne permittatur hominibus nihil non audentibus, vllam nouitatem inuehere, olim & ab initio volentibus præter ecclesiasticos Canones & constitutiones expositas a sanctissimis patribus in Nicæa congregatis, imponere magnæ & sanctæ Synodo finitionibus

ANNO
CHRISTI
431.

ad nihil vtilibus. Nam, sicut diximus, non appulisset hodie magnificentissimus dux Dionysius, ecclesiæ afflicta curam habens, neque ea quæ sibi non conueniunt, vsurpasset, neque ecclesiasticis rebus se immiscuisset, nisi a sanctissimis, qui illic congregati erant, episcopis & clero ipsorum deceptus, putasset eam canonicam (quod etiam præcepta eius testantur) quam absque eorum consilio aduersus episcopum Constantiæ Cypri metropolis habuit. Oramus autem & has literas magnificentissimi ducis legi, & præcepta, & omnia simul quæ in hac tragœdia commissa & facta sunt, vt ex ipsis cognoscat sancta vestra & magna Synodus intolerabilem vim factam. Etenim non vulgaris tumultus in tota metropoli ortus est. Præterea significamus sanctæ vestræ Synodo, quod cum literis gloriosissimi ducis etiam diaconus sanctæ Antiochenæ ecclesiæ missus est. Ideo obsecramus, & ad sancta vestra genua procidimus, vt canonica sententia etiam nunc, sicut initio a temporibus apostolorum, & constitutionibus & Canonibus sanctissimæ & magnæ Synodi Nicænæ, illæsa & superior insidiis & potentia permanfit nostra Cypriorum Synodus; ita & nunc per vestram incorruptam & iustissimam sententiam, etiam vestra constitutione iustitiam nobis fieri cupimus.

Rheginus episcopus Constantiæ Cypri subscripsi manu mea.

Zenon episcopus Curienfis sanctæ ecclesiæ Dei Cypri subscripsi manu mea.

Euagrius minimus episcopus Solensis Cypri sanctæ Dei ecclesiæ subscripsi manu mea.

Rheginus episcopus inquit: Quoniam etiam præceptum offerimus magnificentissimi capitanei Dionysii, scriptum ad illustrissimum principem prouinciæ, oro vt & illius lectio fiat.

Sancta Synodus dixit: Legatur & illius magnificentissimi Dionysii præceptum.

Flavius Dionysius illustrissimus & magnificentissimus vtriusque exercitus magister, Theodoro illustrissimo Cypriorum regionis præsidi. Regia auctoritas ob multas, & maxime ecclesiasticas causas pientissimos episcopos, vt in Epheso conueniant, diuinis apertis signatisque lite-

Concil. Tom. 5.

Fffff ij

ris præcepit. Quoniam autem cognouimus, episcopum Constantiensis ciuitatis e præfenti vita migrasse, & prædefinitum sibi diem impleuisse; necessarium hoc mandatum tibi transmittendum esse iudicauimus, vt ne quis absque scitu vel scripto pientissimæ Synodi audeat in locum defuncti nominare alium. Decet enim expectare formam, quam talium pientissimorū episcoporum consensus præscribet. nam, vt diximus, harum rerum gratia prædicti pientissimi viri conuenire iussi sunt. Itaque si contentiosi turbas excitarent, partim tua grauitas, partim obtemperans illi exercitus eas auertere studeat, modisque omnibus prohibeat, & ne quem, vt dixi, progredi sinat, antequam pientissimi episcopi sua auctoritate approbent. Quod si hæc literas præuenerit incerti episcopi ordinatio, illum iuxta cæleste responsum regum in Ephesum, vt alios, venire iubeas: neque ignores, quod si aliter fieri approbaris, tu quidem auri libras quinque, exercitus vero alias tantas fisco inferre cogemini. Vt autem hæc, quæ iuxta pientissimorum episcoporum petitionem decreta sunt, scribantur, & celerem finem sortiantur, Maturium & Adelpium ab exercitu iussimus ob hoc ad illos legari. Data XII. Kalendas Iunii, Antiochiæ.

Rheginus episcopus dixit: Est & aliud mandatum eiusdem magnificentissimi Dionysii, scriptum ad pientissimum clerum Constantiensis metropolis, quod & ipsum vt legatur oro.

Sancta Synodus dixit: Lectum & hoc inferatur in acta commentariorum.

Flauius Dionysius magnificentissimus & gloriosissimus comes, & dux vtriusque exercitus, ac proconsul, pientissimis clericis in metropoli Constantiæ Cypri. Nouit & vestra pietas, quomodo Augusti & * callinici orbis domini religiosissimos & sanctissimos episcopos in Epheso conuenire iusserunt ob multas alias, & maxime ob ecclesiasticas causas. Itaque quoniam ex ipsis sanctissimis episcopis qui hic conuenere, cognouimus quod beatissimus episcopus vester iuxta diuinam voluntatem obdormierit; operæ precium censui, vt significarem vestræ pietati, & admonerem, vt caueatis vobis, ne quis a quopiam in episcopum eligatur, vel ordinetur, (nam de hoc plane forma

* inuictissimi

ANNO CHRISTI 431.
 præscribetur) sed expectate sententiam, quæ illic danda est. Dignum sane & iustum, vt sancti patres ea quæ patres iubent, obseruent. Quod si quempiam ante literas nostras continget in sedem collocari, id quod non opinamur, illum cum pientissimis viris ad Ephesum, iuxta *regium * diuinum edictum, vt veniat admoneatis; non ignorantes quod laus sequetur obtemperantes, inobedientes autem etiam præsens conuenienter corriget scriptum.

Sancta Synodus dixit: Quoniam autem causa quæ mouit magnificentissimum & gloriosissimum capitaneum Dionysium vt hæc scriberet, obscurius in propositis habetur; manifestius doceant præsentis pientissimi episcopi sanctarum ecclesiarum quæ in Cypro, quid mouerit magnificentissimum capitaneum, vt hæc mandata emitteret.

Zenon episcopus ciuitatis Curiensis Cypri dixit: Etiam beatæ memoriæ Sapritius, qui mecum huc venit, eius rei gratia huc venit. Quoniam autem ex hac vita concessit, necessario nos docemus sanctam vestram & vniuersalem Synodum, quod ad suggestionem Antiocheni episcopi & cleri, magnificentissimus capitaneus principi & clero scripsit.

Sancta Synodus dixit: Quid volente Antiocheno?

Euagrius episcopus Solensis Cypri respondit: Subiicere insulam nostram, & ordinandi ius ad se rapere attentat, præter Canones & consuetudinem quæ iam olim inualuit.

Sancta Synodus dixit: Nunquamne Antiochenus visus est in Constantia ordinare episcopum?

Zenon episcopus Curi Cypri dixit: A sanctis apostolis nunquam possunt ostendere, quod adfuerit Antiochenus & ordinauerit, vel communicauerit vnquam insulæ ordinationis gratiam, neque alius quisquam.

Can. 6. Sancta Synodus dixit: Memor sit sancta Synodus Canonis sanctorum patrum in Nicæa congregatorum, qui conseruat vnicuique ecclesiæ priscam dignitatem. Hic etiam memor sit Antiochiæ. Docete igitur, an non ius ordinandi ex more veteri apud vos habet Antiochenus.

Zenon episcopus dixit: Prius affirmauimus, quod nunquam vel adfuerit, vel ordinauerit, neque in metropoli,

neque in alia ciuitate; sed Synodus nostræ prouinciæ congregata constituebat metropolitanum: & oramus, vt vestra sancta Synodus sua sententia nobis consentiat, & hæc stabiliat, ita vt vetus mos, sicut hæctenus robur habuit, ita & nunc habeat, & nullam nouitatem in nostra prouincia fieri finat.

ANNO
CHRISTI
431.

Sancta Synodus dixit: Doceant & hoc pientissimi magistri, num Troilus ille sanctæ ac beatæ memoriæ episcopus, qui nunc requieuit, vel sanctæ memoriæ Sabinus, qui illum præcessit, vel qui ante illos venerabilis Epiphanius, ab aliqua Synodo ordinati fuerint.

Zenon episcopus dixit: Et nunc memorati episcopi, & qui ante illos sanctissimi episcopi, & qui a sanctis apostolis erant, omnes orthodoxi, ab his qui in Cypro, constituti sunt; & nunquam locum habuit Antiochenus episcopus, vel alius aliquis, ordinandi in nostra prouincia.

*Decretum eiusdem sanctæ
Synodi.*

Ψηφισμὸς τῆς αὐτῆς ἁγίας
συνόδου.

Sancta Synodus dixit: Rem quæ præter ecclesiasticas constitutiones, & sanctorum patrum Canones innouatur, & omnium libertatem attingit, annuntiauit piissimus episcopus Rheginus, & qui cum eo piissimi episcopi prouinciæ Cypri, Zenon & Eua-
grius. Vnde quoniam communes morbi maiore egent remedio, eo quod maius damnum afferant, & maxime si non est vetus mos, quod episcopus Antiochenus ordinet in Cypro, sicut libellis & propriis vocibus docuerunt religiosissimi viri, qui ad sanctam Synodum accesserunt, habebunt ius suum intactum & inuiolatum qui sanctis in Cypro ecclesiis præfunt, secundum Canones sanctorum patrum, & veterem consuetudinem, per seiplos ordinatio-
nem τῆς ἁγίας ἐκκλησιᾶν τῆς Κύπρου Κύπρον παροεσώτες, καὶ τῶν κανόνων τῶν ὁσίων πατέρων καὶ τῶν δερχομένων συνήθησαν, δι' αὐτῶν τὰς χροτοσίας

Ἡ ἁγία σύνοδος εἶπε: Ἐργῶμα παρὰ τῶν ἐκκλησιαστικῶν δεσμοῦ, καὶ τῶν κανόνων τῶν ἁγίων πατέρων καινοτομῶμενον, καὶ τῶν πάντων ἐλευθερίας ἀπὸ μὲν, παροεσώθη ὁ θεοφιλέστατος συνεπίσκοπος Ρηγίνος, καὶ οἱ αὐτῶν θεοφιλέστατοι ἐπίσκοποι τῆς Κυπρίων ἐκκλησίας, Ζηνὼν καὶ Εὐάγγελος. ὅθεν τῆς κοινῆς πάντων μείζονος δέεται τῆς θεραπείας, ὡς καὶ μάλιστα εἰ μὴ ἐξ ἑδῶς δερχομένων ἀποκολύθησαν, ὥστε τῶν ἐπίσκοπον τῆς Αντιοχείων πόλεως ἐν Κύπρῳ ποιῆσαι χροτοσίας, κατὰ διὰ τῶν λιβέλλων καὶ τῶν οικείων φωνῶν ἐδίδαξαν τῶν βλαβεράτων ἀνδρῶν, τῶν παροεσώδων τῆς ἁγίας συνόδῳ ποιησάμενοι, ἔξεσι τὸ ἀνεπιρέασον καὶ ἀβίαστον τῶν ὁσίων πατέρων καὶ τῶν δερχομένων συνήθησαν, δι' αὐτῶν τὰς χροτοσίας